



“Boletpruf” hosting provaeda: Krak long lav blong saebakriminal infrastrakja

Saksessful saebakriminal oli dipen long wan sekiua, infrastrakja we i sef mo strong. Andanit long evri pat blong netwok agrimen, kridensiol we oli lus, ransamwea, o data we oli stilim mo salem long ol iligol forum, i gat wan sekiua infrastrakja we i letem ol saebakriminal blong operet mo nogat man i save.

Be, blong ol saebakriminal, we oli stap haed mo had blong trakem hem i stap kam wan bigfala jalenj nao. Klobol kolaboresen bitwin ol gavman, loa enfosmen, mo praevet sekta i stap mekem i had blong olgeta oli stap haed witaot nem onlaen. Moa tu, sam saebakriminal oli gat skil mo save we oli nidim blong manejem mo mentenem wan sekiua infrastrakja blong olgetawan. Olgeta ya, oli lukaotem iligol infrastrakja provaeda we oli save diliva seves ya long bihaf blong olgeta, blong ol saebakriminal oli fokus long ol viktim mo profit.

‘Saebakraem-olsem-wan-seves’ i tokbaot andagraon maket we i develop blong sapotem wan renj blong ol nogud saeba akta. Andagraon maket ya i gat wan bigfala inkris long niu renj blong ol tul we oli pem, seves, mo infomesen we i helpem ol saebakriminal i tagetem ol viktim onlaen. Ol ranap saebakriminal oli save pem akses long ol netwok, pem ol tul blong help blong pasem ol sekiuriti mesa, mo semtaem pem nogud sofwea blong instol agensem ol viktim mo pesenol infomesen. Boletpruf hosting (BPH) provaeda i pat blong ekosistem ya mo i givim sef infrastrakj long ol saebakriminal. Moa impoten, wan BPH provaeda i save letem hundred saebakriminal blong tagetem ol viktim raon long wol.

Wanem ya wan “Boletpruf” hosting provaeda?

Blong talem gud, BPH provaeda oli lisim saebakriminal wan vituol mo/o fisikal infrastrakja we oli operet long hem. BPH provaeda oli wan spesel klas blong intanet infrastrakja seves we i letem ol nogud akta (ingkludum saebakriminal) blong hostem konten mo ranem operesen long intanet.

Toktok ya “boletpruf” hemi wan maket nomo. Long rialiti, ol seves ya oli gat sem trabol olsem ol narafala infrastrakja provaeda. Be, ol BPH provaeda oli no wantem blong folem loa enfosmen mo ol nara konten tekdaon rikwes mo no luksave ol abius komplek we oli kam long ol viktim mo notis blong sabskraeba rikwes. Hemia i minim se ol saebakriminal oli save komiuniket, ranem ol rabis forum mo websaet, setemapol nogud sofwea mo fising kampen, mo mekem mane londrin mo no kea sapos opereta bae i sakemaot lis blong olgeta long loa enfosmen o nara rikwes.

BPH provaeda oli stap patisipet long saebakraem ekosistem mo statem ol series faenensol saebakraem. Ol bigfala saebasekiuriti insiden we i stap afektem ol Australian oganaesesen mo ol kastoma blong olgeta i bin hapen from risal blong ol criminal we oli joen wetem ol BPH provaeda. Ol risal blong ol insiden ya oli gat nogud ransamwea atak, fael oli lus mo stil blong ol impoten infomesen.

**Pikja blong wan boletpruf hosting
provaeda advetaesmen long ol andagraon forom:**

Niu Ofa!
Sekiua & Fri Hosting

Lukaotem BPH seves nao? Mifala fitim seves blong kastoma blong mifala blong wan gud praes we bae i wok blong yu kasem wanem yu nidim. **Mifala i respektem praevesi blong yu mo no kea long aktiviti blong yu!**

Standet BPH Seves Ofaring

- Proksi netwok long Konfius kastoma aktiviti
- Bak-en hosting
- Admin/ Sapot
- TLS Sets
- Domen Rejistresen
- Hosting aotsaed blong kasem from polis mo gavman
- C2 infrastrukja Blong malwea operesen
- Botnet C2 seva
- Saebakraem maketples & forom blong bisnis blong yu

Hostem sef lik saed long ples ya. No save tekem yumi daon!

PEIMEN ROD

BITCOIN TETHER ETHEREUM LITECOIN

Hao nao ol BPH provaeda oli wok?

Bisnis model oli defren bitwin ol BPH provaeda. Nomol proses hemi lisim IP adres long saebakriminal kastoma mo yusum ol had swij netwok sistem blong help blong blokem lokesen, aedentiti mo aktiviti blong olgeta. Plante taem, ol BPH provaeda oli salem bak o lisim IP adres mo seva long ol tru hos provaeda, senta blong data o Intanet Seves Provaeda (ISPs). Ol ‘apstrim’ provaeda ya oli no save se oli stap provaedem infrastrukja long ol BPH provaeda we oli provaedem ol seves i go long ol ‘daonstrim’ saebakriminals.

BPH provaeda oli fomem ol netwok mo sistem plan blong olgeta blong mekem i had blong aedentifaem ol kastoma. Eksampol, oli jenisim intanet fesing aedentifaea we i go wetem aktiviti blong kastoma-olsem IP adres mo domen nem blong olgeta. Teknik ya i jalenjem ol difenda mo investigeta blong i had blong linkim wan insiden mo wan IP adres we wan akta o kastoma i bin yusum long eni taem we oli givim. Antap long hem, ol BPH provaeda samtaem oli yusum infrastrukja long ol kantri we oli nogat plante rul long saed blong saeba, ples we i no gat eni mesa blong investiget blong stopem ol rabis saeba aktiviti.

Hao nao ol boletpruf hosting provaeda oli defren long ol tru infrastrukja provaeda?



Hao taem oli tagetem BPH provaeda i afektem saebakraem denja

BPH provaeda i presentem wan valiu janis blong spolem hundred kasem taosen saebakriminal long wantaem nomo. Wan laen blong saebakriminal mo ol nara rabis saeba akta oli yusum ol seves ya blong mekem rong ofens oli isi-wetem tras se aktiviti blong olgeta bae i stap haed mo wok long fes blong ol tekdaon rikwes o abius komplien.

Be, loa enfosmen, gavman ejensi, mo praevet sekta oli joen blong tagetem mo stopem ol rabis infrastrukja provaeda ya, wetem ol difensif mesa olsem blokem intanet trafik oltaem long ol BPH provaeda we oli save gud long olgeta. Ol aktiviti ya oli help blong daonem namba blong saebakraem we i joen wetem Australian mo ol sem netwok, mo tu ol stret ‘apstrim’ infrastrukja provaeda mo ISP we oli stap letem akses long ol BPH provaeda long intanet mo provaedem sef infrastrukja long ol saebakriminal.

BPH provaeda oli no wan kategori ya nomo blong infrastrukja provaeda long saebakraem-olsem-wan-seves ekosistem. Ol seves ya oli kontinu mo letem saebakraem denja long Australia taem oli stap sapotem saebakriminal kampen mo pusum ol ligol investigesen mo respons. Tekem aksen agensem ol BPH provaeda oli haelaetem ol impotens blong ol seves ya mo ol rabis saeba akta we oli yusum olgeta.